

女
科
指
掌
五
卷

蹟眉相映毫疑炳
拉亦可玄應運挺

生仰體

大聖人愛育黎元之至



素播九州四海生

生不已豈僅民無

天札抑亦其樂

休明之盛也夫

大雅正甲辰春王月
成都張鵬書



一無子者。雖有年命相冲。風水所招。三說其實疾病使然耳。還宜服藥爲是。譬如田中芟去草蔓。饒沃其土。及時下種。天雨旣降。五穀勃然而生矣。而其大要尤在行仁積德。卽如傷胎破卵之細。亦勿爲之。胎前宜慎起居。節飲食。戒惱怒。少勞役爲主。雖有惡阻等症。只宜服平穩之藥。四五味。所以有胎前藥忌羣隊之說。此仲景之微旨。非敢杜撰。臨產古有安產藏衣之法。今人盡皆刪去。不思誕降之時。正陰陽交代之際。豈無鬼神運用於其間哉。今

遵外臺補之。不惟便於採用。抑亦宗前啓後也。博雅之士。不厭其多。

一產時服獨參湯。佛手散。極有神効。產後宜服資生湯。回生丹。藜苳用之。雖危險之症。十救五六。嘗細究此方。原出羅謙甫所製血極膏。東垣稱爲女科聖藥。而又合琥珀散。又合二味參蘇飲。又合仲景紅藍花酒。是合四方而成一方。正所謂復方也。妙在攻補兼行。製度有法。何諸書失載不傳耶。今悉補之。

一產育乃彝倫日用之常。人皆有之。每見分娩之際。倉

忙無措。調理失宜而死者。指不勝屈。豈皆正命。夫乃
巖墻。予姪婦亦罹其厄。於是摘聖賢之珠玉。發天地
之靈竒。不惜物議。不量才力。刻以問世。志在濟人。好
道君子。置之案頭。朝夕玩熟。轉相救人。則其好生之
德。寧不在作者之上哉。十

一是集之後。意欲以十三科之書。各集一套。次第問也。
但不知此身在天地間。還有幾年。更不知仁人君子
肯教我以相成否耶。

凡例

一是編首則總括一歌。次則序諸家之論。次則脉。次則方。使人一展卷焉。歌以誌其大綱。論以詳其條目。脉以驗其相應。方以治其沉痾。歌論方。才必兼之。無疑義。庶得附名於指掌云耳。

一是編以女科爲首者。宗千金方也。蓋以婦人爲生化之源。自無而有。人道之始也。調經種子。胎前臨產。產後。凡五卷。其他傷寒雜症。另有全書。茲不多贅。

一是集以帶下爲始者。尊扁鵲也。况帶下者。經必不調。

亦調經中之一事也。而且婦人患帶下者十居八九。但聞閫嬌羞。不以語人耳。

一、如經不調。病名也。而所以致其不調者。則非一端。苟不辨其爲七情。爲六淫。爲寒。爲熱。爲虛。爲實。爲痰。凝。爲氣。滯。爲思想。爲房勞。爲先天。爲病後。種種不同。如何用藥。寧無虛虛實實之弊乎。脉症詳明。庶幾近理。婦人每多慈戀愛憎。恚怒憂思。情性執著。偏僻堅牢。所以比男子難療。遂致七情內傷。六淫外侵。脾胃虧損。荏苒成病。必須辨其在臟在腑。在經絡。在血脈在

夏秋冬微而權衡律呂。近而身心性命遠而飛走動植。萬象雖殊一理而已。若夫醫學之傳首自黃農。女科之始則由扁鵲。邯鄲爲帶下之醫。史遷所載產寶著愈風之散。華佗所傳病機不等。巢元方之立論最詳。精血攸關。褚侍中之遺書甚善。熱入血室。臟燥悲傷。胃氣下泄而陰吹。非張長沙孰能辨此。三十六病轉女爲男。巧奪造化之樞機。舍孫真人其誰與歸。唐白敏中訪咎煖備集驗方三百七十八首而爲產寶。宋郭稽中補濮陽李師聖產論二十一篇以爲產方。作大全。陳自明之勲最

女。二氣相感。合而成人。雖曰兩精之相搏。實乃一理之周通。假如月明雲淨。天之喜也。佳期生掌上之珠。迅雷疾風。天之怒也。配合召腹中之怪。人但講有生之四柱。而鮮知未生之八字也。故曰天地網緼。萬物化醇。男女構精。萬物化生。化生者塞化醇者頤。覆土之陵。積水之澤。草木魚蟲。孰形孰色。無極之真。二五之精。妙合而凝。化化生生。莫測其神。莫知其能。理之所始。數之所起。微乎微乎。其小無形。昭乎昭乎。其大無垠。上而日月星辰。下而水火土石。大而綱常名教。細而飲食居處。顯而春

節一隅而反四便於誦習。或取茲編。若要博通。難忘原
本。須遡流而窮源。勿舍本而逐末。正心誠意。可感天地
而通神明。格物致知。方徹顯微。而推臟腑。無太過。無不
及。機權在我。勿矜能。勿貪得。施報由人。惟期行滿於三
千。青城可望。更惜功虧於二六。白首無成。最易悞人。不
盡風塵之碌碌。曷勝長歎。無邊世事之悠悠。至如臨症
先識提綱。若要詳明。須通經絡。臟病腑病。有陰陽氣血
之殊。內因外因。分表裏虛實之異。脉宗內難。更究諸家
藥照本經。宜窮綱目。邪之所湊。其氣必虛。審有餘不足。

補醫按。薛立齋之功多。高賓刻便產須知。杜叢著產育
寶慶。朱丹溪之百問可傳。陳無擇之三因宜讀。蒐羅衆
善。王宇泰之女科準繩。分晰羣方。武叔卿之濟陰綱目。
議論具備於經綸。方法謹承夫家秘。東垣河間。各有名
言。春甫養葵。亦多妙義。夫如是。則方書甚晰。何俟煩言。
道理淵微。惡容輕述。蓋以經綸雖善。有論而無方。產寶
相因。太簡而不備。廣博者。皓首窮經。難於誦讀。約略者。
空拳對症。苦缺施爲。是以不揣愚陋。妄撰數語。非敢問
世。聊付及門。學問思辨。不辭人十而已千。補瀉寒溫。可

促心神恍惚。師尼不月往來寒熱。肉潛消。相火奔騰。柏
子丸。生地丸。清心而退熱。交加散。調經散。止痛以祛寒。
赤帶須尋龍骨散。白崩應服馬蹄丸。歸脾湯治血脫血
虛。心脾有損。威喜丸療白淫白濁。水火不交。失笑烏賊
丸。失血心痛。茯神鹿角。截夢與鬼交。腹痛有寒熱。氣血
之不侔。身熱分虛實。客潮之各異。吐嘔不同。嘔者頻而
吐者頓。漏崩莫混。崩則急而漏則徐。琥珀丸利水聖藥。
破棺丹隔氣神方。臟燥悲傷。仲景原傳甘麥飲。傳尸勞
瘵。仙翁畱下獺肝丸。北斗符祛邪有驗。養榮湯補正最

之形勢。必先歲氣。無伐天和。推太過不及之流行。居經者三月而一至。脫榮者始富而終貧。若要調經。先須去病。如云求子。務積陰功。健脾養血。胎前可用清涼。逐瘀生新。產後宜行溫補。產家三病。非仲景未易明言。安產全圖。雖準繩。何曾備載。帶下主於風冷。至丹溪而濕熱始明。崩中久則元虛。賴東垣而升提有法。經行異色。虛者淡而熱者紫。月候愆期。枯則補而澁則通。瀉少過多。宜辨遺前落後。須分茯苓補心湯。治虛勞而療咳嗽。金鎖正元丹。安心腎而醫白淫。處女初經。腹痛不寧。氣喘

宜白芷散。樗根丸。兼除崩帶。烏雞丸。驚甲散。專補虛羸。
龍膽瀉肝湯。主下部濕熱之病。嚴氏抑氣飲。治上焦鬱
結不舒。經閉有血滯。血枯。腫脹有血。分水分。千金桃仁
煎。去癥瘕而破血。四製香附丸。開鬱氣以調經。五積散。
外邪第一。四神湯。虛熱無雙。抑又聞不孝有三。無後爲
一。大。精血乃化育之源。常須珍重。情慾是伐生之斧。慎勿
貪。頃。佳期須綢繆之時。配合求先天之氣。駢胎品胎。由
精血之旺。藥忌食忌。戒口腹之愆。徐之才論逐月養胎
之方。孫真人有轉女成男之術。胎前衆疾。安胎飲加減。

肌膚在骨髓。在氣分。在血分。有陰有陽。有虛有實。平時熟習諸書。自然見理分明。臨症不糊模矣。

一女科書之行於世者。惟婦人良方。濟陰綱目。女科經綸而已。此外不可多得。卽如邯鄲遺稿。產寶新書。外臺秘要。褚氏遺書。亦未易見。蔡不惜重價。求之數十年。始得寓目。更於大全書中。逐一拈出。參以已成卷帙。因家貧不能全刻。刪去其半。如同生丹。資生湯。安產圖。藏衣法。較之他書。自有徑庭。雖不敢杜撰遺議。亦不致隨風附和也。